

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-3368/24
Sarajevo, 04.3.2024. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda grupe ponuđača „Mevludin commerce“ d.o.o. Sarajevo i „Radis“ d.o.o. Istočno Sarajevo sa ponuđenom cijenom za ugovor u iznosu od 228.133,09 bez PDV-a, odnosno 266.915,72 KM sa PDV-om, u predmetu pregovaračkog postupka bez objave obavještenja o nabavci - „Izvođenje dodatnih radova na izgradnji kružne raskrsnice na spoju ulica Džemala Bijedića, Srđana Aleksića i Velikih drveta po Ugovoru br. 1 – broj 02/12-19-19757/22 od 25.5.2023. godine“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Na osnovu dostavljenog Izvještaja o radu Komisije za javne nabavke radova i preporuke za dodjelu ugovora konstatovano je da je Služba za investicije i komunalne poslove aktom br. 02/08-19-5864/23 od 23.01.2024. godine tražila pokretanje pregovaračkog postupka za dodatne i nepredviđene radove jer je tokom realizacije Ugovora broj 02/12-19757/22 – Ug.br.1 od 25.5.2023. godine - „Izvođenje radova na izgradnji kružne raskrsnice na spoju ulica Džemala Bijedića, Srđana Aleksića i Velikih drveta“ od stručno-tehničkog nadzora Zavoda za izgradnju Kantona Sarajevo dostavljen akt broj 03-4-214/24 od 10.01.2024. godine kojim se konstatuje da je u toku realizacije ugovora došlo do potrebe za izvođenjem dodatnih i nepredviđenih radova jer glavnim projektom nije tretirana zamjena i izmiještanje postojećih instalacija koje se nalaze u trupu postojeće saobraćajnice, a koje KJKP „ViK“ nije tretiralo uslovnom saglasnošću obzirom da nije znalo stvarno stanje instalacija vode i kanalizacije, kao i da su se javili dodatni radovi vezani za zemljane radove, ojačanje podtla i ostale radove, te je stručni tehnički nadzor dao saglasnost na opise pozicija koji su predmetom pregovaračkog postupka.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-3368/24 od 05.02.2024. godine - „Izvođenje dodatnih radova na izgradnji kružne raskrsnice na spoju ulica Džemala Bijedića, Srđana Aleksića i Velikih drveta po Ugovoru br. 1 – broj 02/12-19-19757/22 od 25.5.2023. godine“, putem pregovaračkog postupka bez objave obavještenja o nabavci. Procijenjena vrijednost nabavke shodno Odluci je 232.816,87 KM bez PDV-a, odnosno 272.395,74 KM sa PDV-om. Služba za zajedničke poslove je potom uputila poziv za učešće u pregovaračkom postupku broj 02/12-19-3368/24 od 06.02.2024. godine grupi ponuđača „Mevludin commerce“ d.o.o. Sarajevo (predstavnik ponuđača) i „Radis“ d.o.o. Istočno Sarajevo (član grupe ponuđača).

Zapisnikom o otvaranju ponuda od 13.02.2024. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda grupe ponuđača: „Mevludin commerce“ d.o.o. Sarajevo (predstavnik ponuđača) i „Radis“ d.o.o. Istočno Sarajevo (član grupe ponuđača).

Komisija je izvršila analizu dostavljenje ponude i utvrdila da ispunjava formalno-pravne uslove utvrđene pozivnim pismom, izvršila računsku kontrolu ponude i konstatovala da nije bilo računске greške, te je uz zapisnik o otvaranju ponuda uputila poziv za pregovaranje ponuđaču.

U toku postupka pregovaranja, dana 15.02.2024. godine, konstatovano je da se najveći broj pozicija koje su predmet pregovaračkog postupka odnosi na dodatne količine a koje su već istenderisane i utvrđene u Okvirnom sporazumu, kao i konkurentskom postupku radi polaganja cjevovoda DN 700mm, te da su cijene u dostavljenoj ponudi broj 013-II/24 od 12.2.2024. godine identične. Zatim da je navedeno da je izvršena provjera i ostalih pozicija koje predstavljaju nepredviđene nove radove te da je stručno tehničko lice Komisije izvršilo provjeru cijena. Komisija je pozvala ponuđača da razmotri mogućnost smanjenja cijene ponude u odnosu na inicijalnu ponudu u odnosu na određene pozicije što je utvrđeno zapisnikom o pregovaranju, odnosno na mogućnost davanja popusta na ponudu odnosno procentualnog umanjenja, te je ponuđač je pozvan da u roku od tri(3) dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. 013-II-1/24 od 16.02.2024. godine sa ponudenom cijenom za ugovor u iznosu od 228.133,09 KM bez PDV-a, odnosno 266.915,72 KM sa PDV-om. Komisija je izvršila računsku kontrolu ponude i konstatovala da nije bilo računске greške, te da je grupa ponuđača smanjila pozicije koje je Komisija zahtjeva tokom postupka pregovaranja kao i da je ukupna cijena ponude u okviru procijenjene vrijednosti.

Komisija je izvršila uvid u osnovni ugovor zaključen sa ponuđačem, Ugovor broj 02/12-19-21359/23 od 06.10.2023. godine (Izvođenje radova na iskopu rova radi polaganja cjevovoda DN 700), te ugovore koji za predmet imaju slične radove, zabilješku nadležne Službe o ispitivanju tržišta, mišljenje člana Komisije broj 02/12-19-3368/24 d 15.02.2024. godine, te su stručna tehnička lica Komisije utvrdila da je ponuđač u konačnoj ponudi smanjio cijenu u odnosu na pozicije koje su naznačene u zapisniku o pregovaranju. Komisija je konstatovala da su cijene u konačnoj ponudi identične cijenama u osnovnim ugovorima, kao i da su cijene za nepredviđene radove tržišne, te je dala preporuku za prihvatanje ponude i dodjelu ugovora grupi ponuđača „Mevludin commerce“ d.o.o. Sarajevo i „Radis“ d.o.o. Istočno Sarajevo

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14 i 59/22), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić / sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

